

मंगसीर की नवमी आई

मंगसीर की नवमी आई, खुशियाँ ही खुशियाँ छाई,
बांटा जी बांटा म्हेँ बधावणा,
ओ दादी, बांटा जी बांटा म्हेँ बधावणा,
मनडो म्हारो मुस्कावै,
हिवडो म्हारो हरसावै,
बांटा जी बांटा म्हेँ बधावणा,
ओ दादी, बांटा जी बांटा म्हेँ बधावणा....

सोणो सोणो सो मुखडो, चमचम चमके है हो,
चमचम चमके है,
लाल सुरंगी मेहंदी, दमदम दमके है हो,
दमदम दमके है,
हीरे को हार गढास्यां, गजरो थाणे पहरस्यां,
पीढे पे बैठयो म्हारे आंगणा,
ओ दादी, पीढे पे बैठयो म्हारे आंगणा,
मंगसीर की नवमी आई,
खुशियाँ ही खुशियाँ छाई,
बांटा जी बांटा म्हेँ बधावणा.....

स्वर्ण सिंहासन बैठी, दादी मुस्कावे हो,
दादी मुस्कावे,
लाखों भगत दादी के, धोक लगावे हो,
धोक लगावे,
मोती माणक है सोवे, हीरे की नथली सोवे
हाथां में कंगण मनभावणा,
ओ दादी, हाथां में कंगण मनभावणा,
मंगसीर की नवमी आई,
खुशियाँ ही खुशियाँ छाई,
बांटा जी बांटा म्हेँ बधावणा.....

हिलमिल म्हेँ बैठयाँ दादी, ज्योत जगास्याँ हो,
ज्योत जगास्याँ,
लाडू बुंदिया को दादी, भोग लगास्याँ हो,
भोग लगास्याँ,
लाड लडास्याँ म्हेँ तो, हिंडो हिंडास्याँ म्हेँ तो,
गास्याँ जी गास्याँ म्हेँ बधावणा,
ओ दादी, गास्याँ जी गास्याँ म्हेँ बधावणा,
मंगसीर की नवमी आई
खुशियाँ ही खुशियाँ छाई
बांटा जी बांटा म्हेँ बधावणा.....

झिलमिल तारां री दादी, चुनडी म्हेँ ल्याया, हो

चुनडी म्हें ल्याया,
लंपी लुम्पा से दादी, घणी सजाया, हो
घणी सजाया,
रेशम को पोत मंगास्याँ, रुच रुच थाणे ओढास्यां
चाकर "मधु" बांटे बधावणा
ओ दादी, चाकर मधु बांटे बधावणा
मंगसीर की नवमी आई
खुशियाँ ही खुशियाँ छाई
बांटा जी बांटा म्हें बधावणा
ओ दादी, बांटा जी बांटा म्हें बधावणा.....

<https://bhajanganga.com/bhajan/lyrics/id/19558/title/mangser-ki-navmi-ai>

अपने Android मोबाइल पर [BhajanGanga](#) App डाउनलोड करें और भजनों का आनंद ले |